

Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

23. De Desiderio actu volu[n]tatis Elicito.

urn:nbn:de:hbz:466:1-14077

dici, quia referatur ad alterum, qui rāquam amicus nos vicissim amet: sed quia huiusmodi amore alium diligimus propter ipsum. Dicitur itaque amor amicitiae, quia amicus amore complectitur alterum, eo quod in se bonus sit, ita ut eum amet propter ipsum: amici enim sese amore prosequuntur ob benevolentiam, non ob propria commoda. Et accipimus modo amicitiam, que in honestate constituit.

Efficitur ex dictis, ut inimicos & peccatores, cum eos charitate diligimus, amemus amore amicitiae, hoc est, benevolentiae, quamvis ipsi nos vicissim non ament. Item licet amicitia non sit nisi ad alterum, nos tamen ipsos charitate vel amore amicitiae, hoc est, benevolentiae diligimus, quia propter nos amamus nos ipsos. Sequitur etiam ut honestatem & virtutes non amore amicitiae, sed amore tantum cōcupiscentiae diligamus: honestati enim & virtutibus volumus bonum, id est, cupimus, ut sint propter nos ipsos, quoniam sunt bona commoda & utilia nobis. Si obijicias Aristotelem & Philosophos communiter docuisse honestatem, & virtutes esse bona, quae propter se expertuntur; ergo amore amicitiae diliguntur. Respondeo, eos autores intelligi in hunc modū: honestas & virtus expertuntur propter se, quia non propter aliud concupitum iucundum vel vitale bonum in quod referantur, diliguntur. Nihilominus tamen appetuntur propter aliud bonum, quod amore amicitiae diligimus, hoc est, propter nos ipsos: seipsum quique charitate complectitur.

*Gabr. 3. d.
27. q. 1. ar.
1. nota. 6.*

Tertio queritur, Vnde nam unus amor sit altero maior, siue sit amor amicitiae, siue cōcupiscentiae. Respondeo, Si amor amicitiae cū amore cōcupiscentiae conferatur, est maior & melior eo, & natura, causa, & origine prior: quoniam amor cōcupiscentiae ex amore benevolentiae manat, ac pendet: & in ipso tanquam fine suo terminatur. Si vero duos amores amicitiae inter se comparemus, vnius est maior altero, vel quia intensior actus est, & vehementior, vel quia vni homini maius bonum, quam alteri volumus, vel quia plura bona vni quam alteri cupimus; vel quia vnius amor firmior est, aut feruentior, aut anterior altero: aut denum quia amore vnius, & non alterius libenter plura bona facimus, vel mala sustinemus. Ex quo efficitur, ut licet charitate Deum, & hominem propter ipsos diligamus, nimis quia Deus per ipsum bonus est, & intrinsecus, & natura sua, homo vero beneficio diuinæ gratiae, & charitatis & actione atque officio virtutis: ipsum tamen Deum magis amamus, quia ei præstantiora, maiora & plura bona volumus, & cupimus. Volumus enim eum esse Deum, omnipotentem, æternum, immensum, infinitum, & cætera bona habere, quæ in eo esse vel ratio naturalis ostendit, vel fides Christiana profitetur. Et eiusdem charitatis studio impulsu inducimur ad hoc, ut plura pro Deo difficultia, & dura patiamur, ita ut si in Deum, vel in hominem amorem depônere cogeremur, potius amorem in hominem quam in Deum aut negligere, aut etiam exire deberemus. Illud firmi amamus, à cuius amore difficultius aequalius: vnde magis Deum, quam quodcumq; aliud procreatrum boni amare debe-

mus: sic etiam finē magis diligimus, quia id, quod ducit ad finem: parentes quā amicos: notos & familiares, quā extraneos & ignotos: id item, quod firmius amam⁹, anteponimus alteri, quod minus firmus diligimus: huius enim facilius quam illius amore deponimus. Vnde fit ut uno eodemq; actu duo simili amemus, & tamen vnu magis quā alterum diligamus, quoniam vnum firmius, quam alterū amamus, & vni potiora pluraq; bona quam alteri exoptamus. Porro surgit: amor ex iudicio pulchri aut boni, qui deinde ipsum iudicium confirmat: est amor primus voluntatis motus reliquorum motuum dominator, moderator, ductor & rector: est motus incitatissimus initio: animi arbitrio facile sumitur; sed nō facile deponitur: sensim illabitur; sed ingressus diu & firme animo inhæretur, nec facile discedit etiamsi alas habere fingatur.

Cap. XXIII.

De desiderio, actu voluntatis elicto.

PRIMO queritur, Quid sit desiderium in voluntate. Respondeo, esse actū voluntatis, quo bonum futurum, & expectatum tanquam nobis conueniens, & cōmodum volumus: quamvis desiderium cupiditas sit aſsequendi bonum, si absit, & cōseruandi si aſt: Et distinguitur desiderium ab amore, quia amor est boni tum præsentis, tum absentis. Desideriū vero ſolum eft boni absentis, vel expectati, vel futuri; nō enim ea desideramus quae habemus. Item amor est tuu personæ tum rei, & duplex: nimirum, vel benevolentie & amicitiae; vel cupiditatis, & cōcupiscentiae: amore amicitiae diligimus Petrum aut Paulum propter ipsum; amore cōcupiscentiae res Petri, Pauli amamus. At vero desiderium omne est amor cōcupiscentiae non benevolentiae: & per se directo est rei; optamus enim diuitias, decus, famâ, gloriā, artes, virtutes, dignitatum & honorum gradus, valetudinem, potestiam, imperium nobis vel nostris. Personæ vero est, quatenus eam nobis cupimus tanquam bonum nobis conueniens & cōmodum. Sic enim desideramus præsentia amici, ut eum videamus, vel cū eo colloquiamur, vel vt boni aliquid ex ei aspectu vel sermone capiam⁹.

Secondo queritur, Quoniam pacto spes à desiderio distinguitur in voluntate. Respondeo, commune esse spei cum desiderio, quod sit boni futuri, & absentis. nam teste Apostolo, Quod habetur, non speratur: quod enim videt qui, inquit, quid sperat? Item, sicut desiderium est rei ut nobis conuenientis & commoda, sic etiam spes. Vnde charitate Deum diligimus propter ipsum, spes vero cupimus Deum tanquam bonum nobis conueniens. At vero spes à desiderio ſecernitur, quod spes est boni futuri & absentis cū certa quadam fiducia consequenti, & possidenti, quam fiduciam desiderium non addit. Est igitur spes veluti quadam cupiditatis & desiderij forma videlicet fiducia aſsequendi bonum optatum. quomo do vero spes in appetitu ſensus à desiderio differat, & qua ratione in voluntate fit virtus, ſuis locis explicabo.

Tertio queritur, An desiderium, & spes ſint boni

*S. Tho. I. 2.
q. 40. ar. 1.*

*S. Tho. I. 2.
q. 40. ar. 1.*

Rom. 8.

UNIVERSITÄTS-
BIBLIOTHEK
PADERBORN

Dur. t. d. 1.
q. 2.

boni à nobis sciuncti, an verò tantum boni nobis coniuncti. Durandus censet, spem (& idem pro culdubio dicere cogitur de desiderio) non esse simpliciter Dei, sed Dei tanquam visi: quasi dicat, spei actu sperare nos videre Deum, non autem sperare ipsum Deum. Sic (inquit) non speramus cibum vel potum, sed speramus edere aut bibere. Verum certe nimis subtiliter in hac parte Durandus disputat: & dum hæc docet, non considerat spem virtutem esse Theologicam: porrò virtus Theologica circa Deum tanquam proximum obiectum, & materiam versatur. Non igitur solus Dei conspicit, quæ est actio nostra, obiectum est spei, sed etiam Deus ipse quatenus est bonum nostrum. Item Aristotele teste. 2. de anima text. 28. Situs est appetitus frigidi & humidi, & famis est appetitus calidi, & siccii: cum ergo siccus, vinum, aut aquam optamus; cum fame laboramus, & can appetimus. Item spei alijs optamus valetudinem & sanitatem. Quare merito communis consensu Durandus resellitur, ut vide re est apud Cajetan. 2. 2. q. 17. art. 5. Argen. 1. d. 1. q. 1. art. 2. Ocham. & Gabriele. 1. d. 1. q. 4. art. 2. Marf. 1. q. 4. art. 2. Dicendum igitur est, spei obiectum esse rem & adiunctionem rei, non tanquam duo obiecta, sed tanquam unum obiectum integrum, quod est affectio & possitudo rei: affectio vero sit interveniente aliqua functione, & operatione nostra; sicut in patria & lesti beati spiritus claro aspectu & grato obtutu Deum adipiscuntur & possident.

Cap. XXIII.

De delectatione, actu voluntatis elicito.

PRIMO queritur, Quidnam sit delectatio in voluntate. Arbitratur Scor. 3. d. 15. q. 1. §. 4. uer. posse dici & 4. d. 5. 49. q. 7. Balfolis. 1. dist. 1. q. 2. Delectationem, dolorem & tristitiam in voluntate, non esse actus elicitorum, sed esse formas, vel qualitates, quibus voluntas afficitur; atque ideo non esse operationes, sed affectus & passiones genitas ab obiecto cogitatione percepto tanquam incommode, vel tanquam commodo & cōuenienti naturæ. Sed Scotum argumentum manefite coaguit; quia alioquin in delectatione, dolore vel tristitia nulla esset laus vel vituperatio, nullum meritum aut peccatum: & tamen multa delectationes, & tristitia sunt laude aut vituperatione dignæ, & in multis rerum casibus delectationibus, & mœroribus, ac luctibus meremur, aut peccamus: veluti cum in actione, & officio virtutis & studio bonorum operum delectamur: & ob pecata turpiter admissa contristati dolemus atque lugemus. Item Scotti opinio communis Theologorum consensione refutatur à Caietano, Gregorio, Ochamo, Gabriele, Durando, Conrado, & alijs. Ergo delectatio vel tristitia non solum est per se in nobis ab obiecto producta. Ocham. 1. d. 1. q. 3. art. 1. Gabriele. 1. d. 1. q. 3. art. 2. concl. 2. & Maior. 1. d. 1. q. 20. censent delectationem esse actum quidem voluntatis, sed qui necessario amorem boni presentis tanquam effectus consequitur, & ideo secundum hanc opinionem, in delectatione, & tristitia erit laus vel vituperatio, meritum aut peccatum; quatenus amor boni presentis vel mali,

ex quo oblectatio exoritur & surgit, potest esse in laude vel vituperatione, in merito vel peccato. Aristot. lib. 10. ethic. c. 4. & lib. 7. c. 12. latè probat delectationem non esse operationem, sed comitem actionis tanquam eius perfectionem, ornatum, & pulchritudinem: nec comitem esse cuiuscunque actionis, sed eius duntaxat, quæ est sensus voluntatis, quatenus facultas recte affecta operatur circa obiectum suum bonum, & maximum perfectum ac pulchrum. Non enim delectatur visus quaruncunq; rerum aspectu, sed quando vna cum oculo corporis est bene affectus, & cernit colorem pulchrum, & se bene habentem. Sic etiam idem docet de gustatu, odoratu, & tactu, & idem prorsus est de voluntate. Quidam putant delectationem, vel tristitiam esse comitem cuiuscunq; operationis in quacunque facultate cognoscente: aiunt enim visum recte affectum cernentem pulchra delectari; pari ratione gustatum & tactum, & cæteros sensus oblectari, vel contristari, ac dolere. Sed eos ratio manifesta redarguit: quia delectatio vel tristitia non est facultatis cognoscens, sed facultatis ex rei cognitione quidpiam appetentis aut repudiantis: & verissime docet Anselmus, Bonaventura, Richardus, & Argentina, solum appetitum delectari. Gregorius purat delectationem esse amorē, quamvis non omnem amorem delectationem esse faciat; sed eum planè argumentum conuincit, quia multa amamus, siue diligimus, quibus tamen non delectamur. Item Dæmones optant, & incitant homines ad peccandum, quorum suâfione & impulsu aliquando contra fas, leges & iura pertrumpunt, & tamen Dæmones lapidem hominū non delectantur, quoniam delectatio cum summa eocum tristitia, & dolore esse non potest. Item tristitia non est odium: nam superni & beati ciues patris cælestis odio habent peccata; nec tamen ob id tristitia, mœre, dolore afficiuntur; ergo delectatio non est amor. amorem Gregorius accipit latè; vt sit amare idem, quod velle: amor idem quod voluntas. In hac igitur controversia constat in primis delectationem in voluntate esse actum ex amore boni presentis, quod habetur, exortum: & tristitiam esse actum profectum ex odio mali presentis, quod iniuit patimur, & sustinemus. Differit igitur delectatio ab amore, & desiderio: quod amor est boni tum presentis, tum absens; tum rei, tum personæ: Desiderium verò, est boni futuri, expectati, vel absentis: Delectatio verò est boni presentis, quod habetur: & per se directè est rei; indirectè verò personæ, quatenus eius presentia, aspectu, aut sermone oblectamur atque gaudemus. Ex quo efficitur, ut tristitia delectationem contraria, sit mali presentis quatenus nobis incommodi: Et sicut delectatio manat, & fluit ex amore boni presentis, & nobiscum coniuncti, sic dolor siue tristitia nascitur ex odio mali presentis, quod nos afficit ac tangit: amor verò est mali futuri & expectati, aut nobis verisimiliter imminentis. Non enim remotiora pericula aut mala, sed presentia, quæ instant, aut probabiliter creduntur ventura formidamus. Obijcies: sapere delectamur aut contristamur ob bonum, aut malum, quod nobis nō inest. Respondeo, Ideo nos delectari vel contristari, & mœ-

g. 1. vers. 7.
Contra. 1. 2.
q. 3. art. 1.
ad 1. & q.
s. 2. a. 1. Ma
ier. 1. d. 1. q.
2. & Fer. 1.
con. Gent.
c. 90.
Maior. 1. d.
1. q. 20.

Ansel. lib.
de concep.
Vrigi. c. 4.
Bonau. 1. d.
t. ar. 2. q. 2.
ad 1. Richa.
1. d. 1. ar. 2.
q. 1. ad. 3. et
digen. 1. d.
1. q. 1. ar. 2.
Greg. 1. d.
1. q. 2. ar. 2.
conclus. 2.

rere,

Caius. 1. 2.
q. 3. art. 4.
& 4. par. 4.
64. 2. 3. &
Greg. 1. d.
1. q. 1. ar. 2.
concl. 1. O
cham. 1. d.
1. q. 3. ar. 1.
Gabri. 1. d.
q. 3. art. 2.
concl. 1. Dm
ram. 1. d.